




始祖民望公傳


進士姓莫諱君陳字民望湖城歸安月河人其先本
莫敖之後歷秦漢唐皆有顯人迨我皇宋有諱祖字
延瑛者仕禮曹娶錢氏有懃行晚年生公未幾見背
而公資稟秀朗體貌魁偉書過目成誦嘗從安定胡
先生遊以博學名世少孤事母以孝聞登嘉祐丁酉
章衡榜進士累官榮祿大夫殿中尉以母老疏乞歸
養上嘉其孝特勅優崇之詔曰凡爲人子者事親若
莫君陳則移孝作忠可無負于朕矣着府縣歲給廩

米輿人侍養於家丞相呂公修撰程公吏部方公各
疏薦揚咸以公台輔器爲朝廷柱石而與眉山蘇東
坡最厚有西湖跳珠詩贈之生於天禧戊午二月八
日迄崇寧壬子三月二十八以疾卒壽八十有六上
念親信舊臣加贈少師賜謚尉衛卿是年十一月與
夫人鈕氏合葬於安吉州雒山之西南上遣官治葬
其始終不替宸眷亦洪功盛德所致也側室沈氏生
子三長砥永嘉縣令次礪中大夫直秘閣又次砥右
丞議郎賜紫金魚袋公之身與子可謂極人間之榮

矣

賜進士及第集賢院校理郡人賈安常頓首拜撰





宋平江守莫清之墓銘

公諱漳字清之湖州歸安世家莫敖之後公少峻嶷
魁偉不類羣兒六經子史百家之言靡不淹通於胸
中故發爲文章宏博高古登乾道鄭僑榜進士淳熙
己丑簽書臨安軍府節度判官甲午知仁和縣至官
首以農桑學校爲務郡多化之添差浙西安撫司幹
辦公事首年有出入德壽宮者恃勢強梗陵蔑良善
屢追不出公緣袍候于宮之外門俟其出擒而撻之
高后怒孝宗降清之一等官改仁和縣丞差監百萬

東倉未幾復治一人改提舉常平茶鹽主管試將作
監主簿兼提舉措置官田仍舊任數月是冬十月平
江缺守宰執進擬孝宗曰朕有其人遂除清之爲院
轄以承議郎知平江州軍府事郡有豪梗不軌者公
寘之法其勸農桑興學校仁民之心藹如仁和時解
官徙居新興里生于紹興丁巳五月廿七日至寶慶
三年八月二十八日以疾卒壽四十有七明年八月
十五日治葬於本里之原高祖諱祖隱德不仕曾祖
諱君陳登嘉佑丁酉進士祖砥永嘉知縣考伯虛常

州知府叔考伯鎔直寶謨閣母閔氏有賢行子柯成
成進士教授孫烈彬俱登進士柯等泣血請銘以垂
永久嗚呼公之揀行立節有非常人可比然則爲銘
者非余而誰也

銘曰其性也靜以專其心也塞以淵其鋤強也雖勢
要不畏其字民也以德惠爲先尙歛慶澤篤于曾立
銘藏窀穸百世永傳

賜進士太常博士兼翰林檢閱史館修撰同邑朱棣


子華拜撰

古真印

卷一

一

系




宋中書舍人直右文殿公墓表


中書舍人姓莫諱允字子信其先本莫敖之後歷秦漢唐皆有顯宦譜系散佚迨我皇宋逸士諱祖者生嘉佑進士君陳始以文學起家爲莫氏始祖世居湖州歸邑進士傳四世平江知府曰漳者解官徙居邑之新興里子孫又爲新興人知府生戊辰進士教授柯爲中書之曾祖也進士彬爲中書之大父也中書之父忠高隱不仕中書生而秀異熟於春秋之學以博學宏詞授太常禮儀院太祝越五年淳佑辛丑理

宗廷試六書奏名第一轉中書舍人兼太常博士越
四年甲辰以書舍人直右文殿時人榮之謂不墮祖
父之家風矣明年乙巳九月十九日以疾卒于官壽
六十有二生于淳熙甲辰七月十五日孺人金氏有
淑德先中書五年卒嗚呼君之生壽止於如此而弗
克大享祿位豈非天耶抑豈非命耶其子上舍該將
以明年丙午二月十三日舉中書孺人之柩安厝於
新興祖塋之原預狀請表其墓義不容辭遂述其行
事之實以爲後人景仰焉

賜進士朝散郎集英殿蕭湯蔡節拜撰



卷之七 墓表



元廣東市舶提舉莫公墓碣

提舉諱大本字用中歸安新興里人始祖宋嘉佑丁酉進士曰君陳高祖諱彬曾祖諱忠中書舍人曰允父淳熙進士諱該公生而秀朗長而有識由郡庠補國子上舍泰定丙寅春二月釋褐授廣東市舶提舉未至任以疾卒於家壽五十有九孺人閔氏先提舉卒子三長良能蘭溪州判官次良嗣三良超超徙居宜興去縣治不三十里孫男六長道源次明德次秀次實益良能出者次伍良嗣出者次維良超出者以

明年丁卯十月十五良能等舉提舉孺人之柩安厝
於歸安新興祖塋之原請余爲墓碣藏諸幽堂以垂
不朽云

發源縣知縣友生祝卹晉輔撰

四千土合...

其新照...

四級...

壯學...

武強東市...

魯巖公傳

先生荆溪之名宦也其先蓋宗吾桐汭之莫氏至十
五世祖恕而寓於荆溪因籍云聞先生家世素寒性
極嗜淡泊好讀書負介節疏食短褐彈琴而詠先王
之風我
國朝之甲午歲舉於鄉乃歸祭其祖於
桐汭猶不釋卷輒吟誦竟夕其族之童叟無不肅然
起敬至辛丑成進士爲浙江嘉善縣令在任六載欽
取刑科給事中余向者會其所治邑之人于途言及
先生之政稱美嘖嘖多詞不能殫述約畧記其號先

生者有三一曰邑之人皆呼之爲莫青天以爲嘉善
有二天云旣而誦聲厭舊民更新之又曰莫清水以
爲止飲吾嘉善一杯水其清則水若也又未幾以水
猶有不盡清者固不足以相况復易之曰莫清泉殆
猶子思子形容不顯之德極於上天之載無聲無臭
而後爲至苟未至乎此也皆不足以形容而盡其意
也則夫六載之中三更其號嘉民之於先生極其形
容亦如此今先生居刑垣欽命職登聞察院夫刑民
之所寄命者也而先生得以叅處其中登聞天下之

言路也而先生司其屬尙何枉之不直冤之不恤也
哉而天下皆嘉善矣惜余聞先生之名慕先生之行
而未能登先生之堂以親炙乎先生猶幸先生之宗
桐汭之族謬延余商家乘以序讚之責屬余用是得
以爲先生之文文亦得與先生並傳不朽方其蹇民
性菴諸君子以莫氏家乘之所當爲文者囑予曰煩
吾子爲莫氏序以冠其乘之首以道木本水源之意
而吾族之忠孝廉節德行才學文章著稱及意氣激
昂慷慨丈夫不至玷辱吾宗者皆煩吾子表章之而

最要則吾荆溪魯巖焉蓋家乘之舉肇端于魯巖方
甲午歸祭之時卽以此諄諄其言皆溫厚親切以祖
宗遠而易湮子姓昭穆散而易紊爲憂噫予承其說
而知先生之爲人蓋仁孝而敦本者矣然于諸序贊
記傳皆能不揣陋劣振筆而就特于先生之文則不
敢輕率爲之蓋必凝慮構思清心靜氣儼如對先生
始可以立言晉接之餘賓筵壺饁之剝例敢從事耶因
返獨坐草堂甫創稿適有客自荆溪至窺魯巖先生
題客曰子亦知先生之處桑梓乎予曰不知客曰是

尤不可以不書也吾邑嘗多仕宦如先生者則實未
有蓋其科第以來循循一下士聲色不動雖六載官
嘉善其買棹應天子召行李蕭然布衣瓦器節疏飲
水如昔今其長子漢藩膳於庠閉戶讀書跡不履於
市而仲子仍將爲合矣其實則彬彬焉無官容也容
之言誠足以補浙人族氏之所不及信乎聖人將正
樂必周流四方參互考訂方能輯爲成書余於先生
之行亦殆如斯焉雖然賢者在在足記茲又烏能竊
其萬一也哉然而得三號於浙人聞仁孝于宗族得

其善處桑梓於客之口居官廉潔追遠報本為鄉黨
恂恂然以義為方庭訓可謂大賢矣至其理枉直晰
是非使天下無冤民而使天下之民皆嘉善之民也
豈顧問哉予徜徉于南園來歲入京師得以親炙先
生則不虛此生矣

年家眷侍教晚生岑岳頓首拜撰

祭魯巖莫公


嗚呼哀哉水涸東湖峯頽南岳樞斗芒銷虞淵燄薄
百身莫贖九京難作不弔昊天哲人殞落念我良友
誰如莫公星生嶽降問氣所鍾幼而岐嶷長而宏通
爲時碩彥僉曰人龍奮跡衡茅真豪傑士力學砥行
式彼時世予少也賤夙懷同志予長公少胡反先逝
憶自甲午接翅鄉書繼試南宮愧予先驅辛丑謁選
公適傳臚國門握別道左踟躕已而歸來值公在室
促膝道故於心莫逆尋復送公入都受職鴻才製錦

英皇紀事
卷一
牽絲劇邑繫彼武塘宿稱難理公獨游及釐奸敷弊
清凜四知化徵三異期月而可三年大治我聞則喜
來觀政成扁舟入境弦歌四聞桑麻徧野鷄犬不驚
一錢爭送五袴喧賡兩浙吏治首推嘉善三院三司
文章飛薦天子曰都卿謨實顯簡授刑垣名標諫院
公感主恩丹忱肅將青蒲栗栗白簡皇皇仁施犴狴
兼正文章分考得人門列棟梁一司錢政如泉不耗
亦宜鼓廳闐然無鬧奈何一疾竟赴幽召一人其咨
羣公是悼初聞公疾我心已焚豈期閱月訃抵聖門

行道揮涕况乃素心熒熒公子重趺北奔公之品望
公卿交口公之德澤黃童白叟公之詩文球圖世守
以斯三者公可不朽而我哭公更抱酸辛在昔同譜
十有一人短修異致枯苑殊形人各有心知我惟君
並起單寒臭味斯合所不齊者一處一出公曾語余
宦途叵測何當解組締盟泉石嗣後書來此意拳拳
息壤未遠胡然我捐公有愛子先公沒焉遂惟沉痛
痼疾難痊公柩云歸公魂應返頻呼不應俾我心慘
所期長公爾生無忝故人之情區區用勉我弟我子

我壻我甥誼同世講胥展哀情生芻一束絮酒一尊

公其有靈來格來歆嗚呼哀哉尙嚮



息邇未遑聞然亦年家眷世弟徐嗜鳳頓首拜奠

宙發可隨何當執職歸泉亦願劍書來世

並族單寒良想濕合體不齊昔一

十符一入融紛異姓酬歡無外人

以慎三存世世不泯而共哭

公喉交口公之齋齋黃童白髮

梓里戰辭既以漆水楚幾

書少川公暨如教公配俞孺人世表後

少川公諱聆齡八世祖也 公少聰穎好讀書及長

績學工文因試不售援例入國學以老士林惜之公
優于文復有過人之行生平喜施予爲人任患難多
疎財仗義事如里中社瀆橋之建行者利涉公爲傾
橐鳩工獨肩鉅任其猶可徵信者公文行卓著如是
子孫能其取法斯無忝於後昆也夫 俞孺人九世

祖如教公之配也齡考公世表公卒于萬歷之丁未
孺人年僅三十有奇遺孤一卽十世祖士祿公也計

其年甫離襁褓 孺人勵搽冰霜以甞植遺稗創立

家業者其節苦其功大吾後嗣子孫歷千百年當無

忘于 孺人之節與 孺人之功也

嘉慶庚申春月

十五世孫兆齡謹書

孺人女孺亦歐人之行也平喜到

餘學工文因結不勤幾得入國學

少川亦翰翰餘人與地對。亦必

書少川公習時遊公則命燕人遊

省川莫君行述

莫君諱尙仁號省川因父號東川而自命也先世吳
興人始祖良超來徙陽羨及君八世兄弟二人而君
居長侍養東川獨能承歡順志東川雖無所私而鍾
愛尤深東川捐世君執喪慎禮哀毀骨立三年內笑
不見齒夜不安寢雖夢寐間亦時見東川是君之孝
於親也與弟奉川析居而奉川弛於家事君時爲調
劑撫二姪如己子婚娶皆君之力其產業廢去者卽
爲出價贖迺歲時伏臘隣里稱慶如奉川不在君卽

爲之不豫居雖分而情實合是君之友于弟也君承
東川廕勤力作早輸將謀其室謀其家肯堂肯構而
隆業日起門無催科之吏患相恤病相扶仗義輕財
而緩急相呼是非相質門多長者之車是君之忠於
草莽仁于鄉黨也而且性秉豪俠行立端方不畏強
禦矜憐鰥寡其事厯厯卽如里中周耿爲杭宦所陷
君挺身証愆不辭斥辱卽爲豁脫堂叔名鴻早世伊
妻韓氏守貞撫孤君爲總理家務凡有美產必爲韓
氏植之教二弟以成立凡宗黨親戚賴以嘘扶捍衛

類如是者指不勝屈生四子擇師教以文學季子可
齊早歲遊庠內有陳孺人襄理親力操作處妯娌藹
然御諸子諸婦慈而嚴正內外肅然竭力以事舅姑
相厥夫以定省無違而成省川徽號者孺人與有力
焉生於萬歷辛巳十一月三十日卒於崇禎庚辰六
月十七日享年六十歲子四長可量次可知次可加
次可齊孫男十五長與儔次與倬與僑與偕可量出
者次與孚與班與羣與同與盛可知出者次與价與
高與遠可加出者次與京大經大綸可齊出者女三

長適富村王瑞卿次適南華圩周鳴岐三適莊卜圩
周加聲以順治乙酉十二月初六日偕孺人陳氏合
葬於祖塋上掌之側厥嗣可量桑閑君等締知之久
時爲述君之概不揣固陋略陳顛末以展合子命孫
之思誠焉

昔

康熙歲次丁巳一陽月

夜早歲歲執事內晉陵通家眷晚生陸士晉拜撰

仁甫公傳

吾邑莫仁甫先生門第高華家聲清綺人稱右族
翩顧陸之家風號上流奕奕崔盧之裔戟門列宅騰
日月之光輝繡轄聯茵挾風雲之景象而且韋平世
胄不馳慕乎紛華王謝門風惟樂耽乎簡寂每引風
前之嘯托興邱園時披霞上之襟結情邁軸竇長君
意氣真是無雙桓元子風流原稱第一胸襟坦率何
存諧際之心神矜端凝適洽蕭疎之致緬其醅謹史
傳石奮之家風邈彼清剛人仰于公之門戶陸機舊

德凜若朝儀顏峻清規肅爲家訓至其早擅通經幼
多至性鮮香侍膳陸橘懷探腥毳承歡江魚手進干
蟠孝笋由簷隲以頻生百匝慈烏向庭除而戾止而
更撫鞠弟妹悉屬恩勤幹濟碁功均由造就食果則
何嫌於小讓棗推梨爲兄則忍處於肥分田割宅一
門羣從藉以爲重輕阿大中郎總由其決斷刊爲家
譜無難棣萼之同居綽有門風一聽堦筵之並奏于
以有家會食少長羣目爲龍從知薛氏行觴弟兄悉
稱爲鳳况復循良孔奮素規達者之先機惠愛王曾

更屬高人之早見傾心同氣敢爲桑梓以分憂一諾
鄉閭直以情親而切念國僑季札一時縞紵之交任
昉范雲此日班荆之雅花飛南陌脫來越石之驂鶯
囀東郊投盡陳遵之轄勝友如雲義形于色清言何
綺詞盡由中飛來寒峻之凡鳥悉予以聲華走也涸
轍之窮魚亦綏之結納緣茲篤厚可知鳳卜以其昌
睇彼樸誠定決駟門之必大爰見鳴鐘而食玉樹扶
疎結駟以遊璧人連轡凡諸子姪矯若龍駒維彼曾
立劣猶虎豹哲嗣淹長都雅物望所歸博洽翺華藝

林推服揚華紫極誠不愧乎茂才騰譽黃中斯乃其
為博士僕也實與長君情深謝范更皆猶子竊附書
思居叨通德之隣得悉驥門之陰德踵接延鄉之里
時聆長者之教言耶憑翰墨畧序生平為識盛朝褒
德之侯渡江卓茂譬之昔日傳經之際擁篲伏生云

爾來寂寂盡凋謝
胡故雲龍日齊年家眷世侍生凌鶚遠頓首拜撰

廉問道以對照而思念則益年其

其風高人之早見其心同泉源

桑閒莫公傳

先生姓莫諱可量字洪甫號桑閒省川公子也省川公孝友性生胸懷瀟灑夫人陳氏閩範端嚴生四子胥有賢行遠識名噪一時而先生其長君也先生少以經學文行知名於四子書冥心搜索徃徃思路斷絕即取宋元明儒先語証之治經次第以遍其用心與四子書畧同必叅取漢宋先儒諸解而折以己意期于學有心得不專恃記聞浩博而已也制義穿穴六經不隨風氣爲高下嘗謂辭章之學有所未暇至

涵養身心發揮經義惟制藝爲宜顧當時名下士與
先生定文字交者率遊庠食餼併掇巍科以去而先
生獨以數奇累試輒黜已乃翻然改曰丈夫事業建
白庸多奚能坐困此區區咕嗶間耶因棄舉子業習
學簿書專心幕事遂博通典教練達時宜雖遇職司
極剛果英銳好面折僚吏者亦無不屈就先生間有
諮訪必爲條析明白區處就緒故凡事出先生手無
不報可用是郡縣下車咸加嘆服事無巨細悉委決
焉有暇則以文字相娛徜徉自適先生爲人廉靜寡

欲和易端粹不爲岸異之行存心以誠應物以和取

余^予以義不以理學自命而篤于孝友不言躬行遇事

常引經以斷讀史亦援以証其得失假使得志于時

幸邀民社之寄而出其所學以展布于世則于古循

良報最之治何多讓焉然先生不少怨尤晚更謝棄

時事灌花種竹貯水字魚時與壯時筆硯友飲酒賦

詩吟弄風月而向之遊庠食餼掇巍科者轉羨爲不


可及焉或傳先生暮年嗜佛靜夜悟禪則其所以善

於知識而能自解脫者更有非人之所能及者矣壽

東坡先生詩集卷之十一 蘇軾詩集卷之十一 蘇軾詩集卷之十一 蘇軾詩集卷之十一

屈古稀而卒生四子與儁與倬與偁與偕俱卓犖名

于時 後學曹掌拜撰



Faint bleed-through text from the reverse side of the page, including characters like '蘇軾詩集' and '卷之十一'.


林逸莫先生傳

先生莫氏諱可知字明甫號林逸省川公子桑閑公之仲弟也生而端慎坦夷自適不拾人牙慧不隨人腴動讀書必根究理要尤留心於經濟商確世故確有成畫至于家務綜理嚴密井井有條而憂人之憂急人之急有古麥舟相贈之風焉先是省川公之以農事起家也漸能恤其族黨里人然每以不能遍及爲恨至先生而課農尤有法度當昧爽時督傭保趨田中力作蒔藝芸薹較勤他族每歲所入輒倍于常

家稍贏餘凡嫻族婚嫁喪葬之力不足者助之無力者代之鄰里有以無業及急難告者應之至于賑饑者衣寒者藥病者棺殮者至老不少衰昔太史公稱人富而仁義附是謂必多財者而後能好行其德也然觀古今來多財者正復不少而好行其德者獨不少概見焉先生衣食粗足非能饒裕者而勤周恤好施予如是非其能曲承父兄省川公桑間公之志而踵而行之者乎故恂恂鄉黨似不能言而孝友之誼允諸躬行一時里黨中胥推讓爲不可及至其爽衷

直腸絕不作脂韋態居恒相與以德業相勉過失相
規庶幾古道自奉泊然畧無嗜好衣不棄浣濯食不
侈兼珍噐用不求華麗可謂恪承家教而力砥頽風
者矣壽七十三歲子五人與爭與班與羣與同與盛
晉克保世無忝所生

後學曹掌拜撰



若京外州縣無家私事

齊突特小十二歲字王人與望與與典章與同與

過兼以器以不來準照百時新來來應而代無所成

勝烈幾古能自奉自然界無習行衣不須款對食

宜懸雖不消眼筆懸每到時與以餘業朕改修矣

厚山莫先生傳

先生莫氏諱可加字峻甫號厚生桑間公之弟庠生
雲竒公之兄也存心于濟人利物訓世諄諄唯以倫
理之言相勗一歲之中待以舉爨者若而人待以婚
葬者若而人娶孤待以卹糾紛待以解者若而人歲
入不足以給則緼衣藿食怡然甘之宗黨有事輒爲
區處指畫無不各當遇人緩急相援若左右手閭思
有雀角不平事往往匍拜以楨曲直莫不輸情帖服
以去明季草寇竊發亂兵嘯聚千百成羣叫號殺奪

死傷者所在不免先生攘臂疾呼與季弟雲奇同心
奮力集里中豪義扞禦一方賊不敢犯先生爲人沈
雄剴切有古豪俠風而立身制行一根諸孝弟忠信
務砥于實踐以破天下矯詐浮薄之習獨坐衣冠必
肅遇童子與揖讓必盡禮身不過一鄉人而化且越
乎鄉里使更得尺寸之柄而大展其才猷以礪邦家
以挽末俗其興仁而教讓當何如也吾觀世之仕宦
者僥一時之倖而擁其厚貲用廣田宅用侈車騎以
夸耀乎里巷之婦人孺子曾幾何時而轉爲邱墟徒

餘惡聲載路者比比也以視先生家父兄弟子孝友
克敦存心施濟雖所及不遠而可爲鄉黨自好者世
爲儀型殆未可以同日而語矣享年五十有五子三
人與玠與高與遠胥敦天顯不愧儒宗

後學曹掌拜撰

我與... 此... 之... 也...

人與... 其... 之... 也...

欲... 其... 之... 也...

人與... 其... 之... 也...


欲... 其... 之... 也...

哀... 其... 之... 也...

紛... 其... 之... 也...

...

...




雲奇公傳

公諱可齊字雲奇省川公之季子也少孤賦性樸茂
跬步不敢失母訓焚膏夜讀朗朗聲徹戶外事三兄
如事父而三兄亦孝友性生愛弟極篤故公自象勺
以至成人力學篤行皆母氏與三兄之教之先而尤
公之率之能謹也弱冠補弟子員聲名噪甚益肆其
力於子史漢唐諸大家之書而不詭于濂洛旨趣爲
文駘宕不沾沾爲帖括伎倆母著松筠勁節子稱藝
苑英華兄號練達老成弟推文章儒雅時人交口而

欣羨之第數竒不偶屢蹟棘闈何天之豐其學而嗇
其遇耶然公之可以不朽者實不斤斤藉此其平居
奉母孝事兄敬愛日養志所不待言當申酉鼎沸之
秋所在鄉兵焚掠地方騷勤動日夕不寧公偕仲兄倡
義建旗捍衛村落亂兵斂跡不敢犯一方賴之安堵
無恐非所云在一鄉而高于一鄉者乎非所云展經
綸于草莽之中者乎則其所以承先緒而啟後嗣者
夫寧有艾耶公之繼室爲予從堂祖姑其事熟聞已
久今莫氏纂輯家乘公之孫邦彥丐余爲傳余惟謏

陋以不文辭而邦兄勤請再三誼不敢拒抑以念夫
公家孝弟節義自足垂休史乘而余以葭莩之末得
附蕪詞于不朽竊又有深幸焉

年家眷晚生曹掌頓首拜撰



Faint vertical text columns, likely bleed-through from the reverse side of the page.

以莊公傳

公諱可矜姓莫氏字以莊天用公之八世孫也忠
淳謹折節爲儉非田畜所出弗衣食辛勤數十載牆
以外無隙地牆以內無袖手俯拾仰取一如古宣曲
任公家約家業遂日以振焉其主鬯宗祠也謹筦鑰
實倉廩振頽廢族誼以敦祠規以肅有不率教者曲
喻以俟其默化每暇日行鄉曲與里中諸年少及弟
姪輩話桑麻道生平辛苦狀以相勗入則訓諸兒以
節儉力行爲本迨晚而含飴弄孫者有年其先高祖

瑋公生四子而公爰與公祖俱以子身延似續維公
則舉丈夫子四諸孫濟濟繞膝盈庭暨孺人裴氏舉
案齊眉年踰花甲是公之勞勤于前而宴逸於後者
固不必列鼎鐘紆青紫而困有餘粟庫有餘財子若
孫戲彩一堂以享遐齡之祝其邀眷於天者亦多矣
公壽六十有三生卒詳世傳中茲特表其累世孤單
與生平手足之烈俾後之人知世德作求而祖而父
而身克儉克勤之所以食報于無窮者其來有自

年家眷晚生曹掌頓首拜撰


莫公价藩暨錢孺人合傳

予與閔子天錫相友善數年于此矣與之上下古今
論列當世是非可否曲直合不合往往一一自相砥
礪士之習於俗學久矣識正偽而昭昭然黑白分明
豈不難哉歲在丁亥仲春之初閔子自局造予館中
告予曰吾有一友曰全五者忠厚孝謹人也欲爲其
祖价藩公暨祖母錢孺人作一合傳敢以請予曰子
知公與孺人生平何如乎真有可傳否如其無可傳
而飾虛詞以誇耀之則吾不敢閔子曰吾見全五之

爲人醕厚孝友皆得自祖母 孺人之訓誨又觀其
舊乘所載畧云公孝友端方恂恂然有儒雅之容介
介然無浮誇之行孺人早年守節奉姑訓子沉靜幽
貞數十年來未嘗有一言一笑聞于戶外此可見公
與孺人生平之大概矣幸爲吾傳之予曰當今之世
澆漓刻薄風俗頽靡士習浮誇忠厚不聞久矣况百
行莫先于孝友而孝友端方之人豈非天下古今所
最難者乎公既有口碑嘖嘖如是信非瑣瑣與齷
齷者比寧不謂之君子儒歟亦必介如石焉而可

列于大雅之林矣孺人青年矢志應爲百世表芳况
能事姑以孝聞教子以義方而節孝可風猶爲人所
不忘者其幽閒貞靜蓋其天性然也數十年寡言笑
有由來矣是爲傳

眷姻晚師芳謹識



自山來矣豈能掛

不涼管其幽閉良籍蓋其天掛然此類十平氣官矣

出申故以李固於子以錄文節前奉河風阻款人

既于大難之林突無人青羊夫志感微百州表長

與高莫公暨崔孺人傳

易曰家人嗃嗃悔厲吉婦子嘻嘻終吝書曰牝雞無
晨牝雞之晨惟家之索嘗見夫縉紳之胄聲勢赫奕
揮金玉如糞土口厭膏粱體厭紈綺未幾而降爲皂
隸困憊凋殘行路嗟感至于甕牖繩樞之士鶉衣鵠
面之家忽而高其閭閻蕃其子姓寢昌寢熾識者且
莫能量其所至此非獨滄桑世變循環倚伏之幾有
固然也良由淫佚驕奢則禍延後裔艱貞辛苦則慶
衍螽斯天之報施豈或爽哉余撰九文莫公傳畢而


宗茂復以其先大父與高公暨人孺人崔氏傳見囑
閱其行述尤嘆守貞獲報彰明較著若操左券公也
諱與高字朗行行二敏捷䟽通練于世務輕財重義
然諾不苟原聘陳氏未娶卒繼聘蘭後崔氏柔徽淑
慎習禮明詩泊乎齊牢降作克諧伉儷黽勉同心奉
姑竭誠盡慎槃匱沃盥甘旨無缺加以搯家勤儉紡
績晝夜不輟家道殷殷起不幸與高公年五十遽逝
孺人內外總管慈嚴並著凡嫁娶祭祀賓客課稅之
務靡不經理整飭井井有條訓誡子孫常曰願吾後

世男耕讀女織紵無淫心舍力以隳家業玷家聲未
亡人死且不朽江南常州水利總巡分府兼攝宜興
縣事周君諱對旌其閭曰坤德永貞方之魯敬姜曹
大家未肯多讓當孺人之寡也熒熒孑立塊然尠懽
藐諸孤宛轉膝前流離困頓孺人衣之食之長者督
責而勉厲之幼者拊摩而鞠育之百孔千瘡左支右
絀卒能出險亨屯撐拄門戶此固烈丈夫所難而豈
尋常巾幗可同日語乎迄于今子孫繩繩蘭馨桂馥
溯發祥者咸稱孺人之闡範勿衰又其後昆皆樸懋

英奇大啟基緒是天之報孺人而昌厥緒發潛德之
幽光正未有艾也余故樂爲之傳明福善禍淫之理
載諸家乘俾世世無忘公生於順治辛卯年九月十
八日卒于康熙庚辰年四月初七日享年五十歲孺
人生于順治壬辰年九月二十一日卒于康熙丙申
年四月十五日享年六十有五歲合葬柳清地生子
四九錫九鼎九經九文

贊曰廸吉匪艱德滋疾去無成有終實資內助惟
水可飲惟藥可茹永錫爾類閭修彌著

賜進士出身文林郎艾溪尹壽拜撰




皇氏宗譜

卷七

與高登崔騰人合傳

三

昭賢



蘇子出魯文林湖文謝氏壽侯

大綸公傳

大綸公傳

丁亥春萬子貽岳過予述其外祖大經公季弟大綸
公行誼予因深悉大綸公之爲人蓋孝友睦嫻任恤
人也心焉溯之不勝古昔先民之慕爰索筆而爲之
傳公考可齊生三子長與京原配王孺人出次大經
季卽大綸也續聘曹孺人出可齊公去世時經甫五
齡綸纔週週耳曹孺人撫孤守節持家政大小諸務
無不盡善同邑大廷尉任公題婺彩筠操匾額贈之
公在襁褓中語言色笑已迥不猶人曹孺人日之曰

身正笑言
卷上
一
系賢堂

吾子之能繼父業者必綸也故愛憐之尤甚及長與
經皆締姻周潭圻周氏一聘其姊一聘其娣于歸後
妯娌歡好無間此雖淑女之合德來教然何莫非二
公之刑于有道哉當斯時也鴈序無差雍雍翼翼上
則壽母童顏內則令妻有助較曩日父死子幼時苦
樂判霄壤矣自後大經公卒無子遺幼女三公卽以
次子楚臣嗣之又爲三姪女擇壻咸歸士族遺嫁時
助奩資俱厚公之至性蓋有大過人者他如建宗祀
則獨肩勞瘁延師課子竭忱盡禮鄰人遇火計口貸

粟勿責其償

聖祖四十六年被水災佃之窮之者悉寬其租鄉里
偶有紛爭務力爲調處其淑德善行更未易一二指
也嗚呼世之猥瑣鄙陋擁豐資而不顧大義者曷可
勝數若公之孝弟克敦樂施好善寧多得哉迄今子
孫繁衍食指愈增之公盛德固足以克昌厥後而天
之報施善人又何爽焉所謂積善之家必有餘慶者
是耶非耶公姓莫氏字元翰族居沽瀆滙在邑之東
北二十餘里襟山帶湖蓋宜之勝地云

庚辰江寧鄉試中式舉人路應梅拜撰




Faint vertical text columns, likely bleed-through from the reverse side of the page, containing names and dates such as '庚辰' and '鄉試'.

莫大綸公傳

古人有言曰樹欲靜而風不寧子欲養而親不在
椎牛祭父不如割鷄之待親存詩曰南山烈烈飄
風發發民莫不穀我獨不卒此皆孝子欲養其親
而不得悲怨之詞也以余所聞沾瀆滙莫大綸而
吻合焉公爲可齊公季子可齊公原配王氏生一
子與京而殂續聘孝廉曹其章女生二子長大經
季大綸經甫五齡綸纔期半而可齊公卽世曹孺
人拊摩鞠育襁褓提攜瀝血飲水以養以教撤釵

身長考詩 卷十 一 新賢堂
綺而服布荆主中饋而兼家務男婚女嫁悉得其

宜大德濟世正德無私洪平而可齊人


高皇帝甲申年間大廷尉任公題婺彩筠操贈之
當斯時也經綸昆仲皆成立矣且各有室矣悼喬
岵之莫瞻維靡依之欲慰棄由敖花柳之情潔滌
髓烏鳥之奉捧匭沃盥無煩諸婦之勞請向請趾
必竭承歡之奉而曹孺人亦得以暮年悅懌稍弛
其終身誰惜之悲故享遐齡受介福皆經綸二公
純孝之感也然天不佑其哀大經公中道棄捐遺

其幼女三人于弟綸公則顧影雖心溼濕衣衾枕
畔辰逢忌諱必虔蘋蘩蘊藻之修庭栢之淚未乾
鴈序之倫又斷向之讀蓼莪而痛者今日且誦杖杜
而隕涕也由是選名門擇佳壻嫁姪女贈裝奩皆
勝于已之所出此則公之友愛也至其應酬處世
不以物欲經心好善樂施一以推誠相與鄉隣遇
火計口給餉而賑貸水旱災荒寬租釋債而周恤
妻弟縲紲不惜傾囊納贖伯嫂遭殃不顧祝融赴
救公之接物何如乎他如建宗廟卜佳城先靈妥

少玉完詩
卷之
二
新賢堂

侑嚴教子訪名師甚忠且敬解讐忿息紛爭敦親
睦族善善惡惡賢賢賤不肖何莫非孝謹居心也
哉公字元翰生三子三女長楚選次楚臣季楚善
臣嗣大經生卒在世表故不載

眷姪王用丙頓首拜撰

哲人君莫小傳

君諱與侯姓莫氏居邑東沽瀆里平生好施與喜名節終身未嘗涉事公庭詩曰旣明且哲以保其身字曰哲人其名固當蓋規行矩步無一或苟人也以勤儉治生以寬厚種德事親孝敬長弟馭下嚴於親朋歡然相接藹如也閒居蔬一盤酒一壺冬一裘夏一葛酒如也上無負於公下無負于私而又賦性豪邁識見過人斥佛教遠鬼神欲令人爲居易之君子而不爲巫祝浮屠所誑誘抑何守正不屈也哉吁世俗

隕斃其不榮鬼佞佛以爲求福之計者實罕其儔而
君獨矯然自異不獲世之滋垢素位而行啣觴自得
以樂其志雖今人也而古人矣君爲萬民壻吾知其
爲人故紀其大畧如此

奉

旨考取博學宏詞殿試翰林院檢討內廷供奉萬松
齡拜撰

詩人孫莫小軒

惠翁七袞壽序


宜邑沾瀆滙湖山環抱鬱然深秀莫氏世居其地代
有穆德內外宗戚罔弗瞿然顧化其子姓愈益彬彬
咸用孝弟修謹以亢厥宗至若居恬守約不忤不求
無改先民之樸而獨保太和元氣漠然與天爲徒者
則又無如惠翁翁貌聳而質古其氣象巖巖其神情
藹藹其議論侃侃酷有先正風而甘守寒素處茅衡
如廣厦之安服布袍有孤貉之煖晚食以當肉安步
以當車其視富貴非特不知慕而已抑亦若將挽焉

欲然有以自下者殆渾忘於無懷葛天氏之世也歟
翁之在鄉里族黨間也行誼素孚與人子言依於孝
與人弟言依於悌鄉鄰有爭片語立解卽有不率亦
憚而不敢肆蓋惟恐 翁之知之性善飲甚豪嘗謂
當山水佳處花時勝友不可不飲遇俗人欲言俗事
不可不飲蓋其居心靜見地高潔行好修信心而動
絕不知世間之有機心機事以故機械不作則純白
完純白完則神生定茲當桂月之吉值 翁懸弧之

辰年已七十矣而步履飲食俱如壯年耳目彌精明

綜畫彌匝密夫幹碩者枝繁岡崇者石積維
翁培
其隆祉以
衍于賢嗣喆孫故琪森蘭茁繞膝盈庭
行見孫曾森列共舉百歲之尊而克躋于上壽也已
是爲序

年家眷侍教生曹掌頓首拜撰



Faint vertical text in the second column from the right.

是則息

Faint vertical text in the third column from the right.

Faint vertical text in the fourth column from the right.

Faint vertical text in the fifth column from the right.


永嘉公傳

公諱九錫字永嘉沽瀆滙里人也莫氏本貫烏程自
明世遷居于宜至今比屋而居者無慮數百家其間
分爲東西蓋如阮氏之分南北也公爲東莫氏人家
本素封然謙退自守絕無紈袴之習志在顯揚不屑
爲富人面目農桑之暇手一編書恂恂若老儒然父
與高公謝世兩弟皆幼公提攜訓誨各底成立主家
政數十年財帛一稟母氏分文不入私橐此蓋以孝
友而能廉者也今夫富民之子擁私財畜厚利卽侈

然自足不復知詩書爲何物不則蔑視父母私妻室
早求分析設委以家務卽乾沒其羸餘以自肥至于
兄弟之枯嗇不計也若公之念深而志遠重義而遺
利寧不加人一等哉予嘗授經于沽濱見夫鄉隣父
老咸嘖嘖嘆息于公之高誼非至行所感有以久而
不泯歟公賦性沉摯才氣過人有所設施必慮徹終
始是以畢生無過舉晚年尤尊師重儒思欲振詩書
之澤以光大其門閭不克竟其用以卒子二人初娶
太原王氏生宗潢繼娶濟陽丁氏生宗濂女一適路

氏生于康熙壬子四月三十日卒於康熙丙申十二月二十四日享年四十有五當明季時所莫氏有諱可傑者貢于成均知良鄉縣事獻賊犯長沙父子並罹于亂予者之邑史缺而不詳詢其後人祭享無主斬焉不復可誌而公之合嗣方且身名俱泰赫然于閭里之間以此知公之所遺遠矣

邑庠增生李黼拜撰



出率領中平編取辦

周鼎之出以此時矣之也

世所不歸可結而久之合

歸之歸乎皆之為也則而

可歸者實年所似快其心

凡此十物且其本固十有

此本中地則上在四其也

聖辭莫翁六表榮壽序

卷之七

聖辭莫翁六表榮壽序

七

吾宜素號山水之區銅峯峙其西南溪水環其左右
其地沃而產物多其人華而少誠樸苟得一敦龐長
厚者起而一挽頽風砥礪末俗實足以凝結於身而
流傳于後斯固有不期壽而自壽者矣若我 聖翁
真其人歟翁少卽穎異出象承先人積累之遺卒令
堂構允光箕裘克紹而尤冲融恬退簡澹自甘則有
爲近今所罕覩者嘗考其生平其事親也先意承志
溫清不遺乎餘力其勗子弟也循循禮法一以萬石

君諄謹是程其處交遊也久而能敬又幾於春秋齊
宴子至若人有急輒推濟無窮吾人得其一節皆足
以垂名譽况儉約自持恭敬不怠而有不凝結於身
而流傳于後哉是以行年六十神彩煥發不異少壯
時令嗣二俱意氣豪邁不減荀龍薛鳳而翁顧此玉
樹庭蘭不啻太和天地近在一家翁可謂不以浮麗
爲榮而以善養爲樂也今當臘月之吉爲翁揆攬之
辰諸親友咸上百歲觴而來徵言於余固不敢漫爲
諛詞謹以翁之敦龐淳厚可以壽身者并以及其子


孫也是爲序

乾隆歲次壬戌嘉平月

丁酉科順天鄉試中式第六名前

特授四川成都府郫縣知縣今調四川重慶府巴縣

知縣眷弟王忠武頓首拜撰





四

朕親幸便王忠賢殿看戲舞

并封四世太濟胤禪親朕親令贈國師重興以明

下百餘載天祚劫中定策六谷節

節制發火壬其嘉平日而來徵可於余因

酒也豈然噴

裕章公傳

裕章公傳

裕章公傳

裕章公傳

裕章公者諱九容可齊公之孫與京公之子也京公
性質樸善讀書勤文章困于棘闈鬱志早逝配辛瀆
王聿聲女生裕章甫六齡而孤賴王孺人提攜捧負
以養以教晨昏紡績百計勤劬嚙蘘飲水備竭苦慘
孺人之貞淑播于鄉里節掾聞于郡國常州府
太尊胡增耀給節比冰霜匾旌於其閭今邑誌所載
碩德芳徽大畧可覩也丙戌歲莫氏刻修宗譜裕章
公冢君耀先請以一言爲先君傳余忝在通家久叨

身長志節
卷一
一
系覽

盛德誠恐俚鄙之言有穢莫宗家乘不敢辭余讀史
記有曰修身者智之符也愛施者仁之端也取予者
義之表也孝悌者行之本也士有此數者可以託于
世而列君子之林矣余觀公之爲人其庶幾乎公孝
友性成侗儻好義重然諾謹取余周人之急濟人之
危言必信行必果鄉里有紛爭辨訟者公必爲之排
患釋難使彼此情輸兩無怨悔故終公之世隣里無
公庭之訟而又善承先志整宗廟而堂構維新議捐
丁而蒸嘗豐備覩香火福善菴之將做也爲之擇在

持裝佛像而整頓焉念譜牒之失次而子姓蕃衍也
即創議請毘陵陸象坤先生纂輯焉他如修社瀆橋
而攘侵漁之衆獨建永安橋而傾囊橐凡事之有關
于義者公皆不恤其力不吝其財必誠必謹而周旋
詳慎不使少有疎虞以致後人貽議公之持身繼述
仁孝居心敦親睦族方之任樂安陳述古何多讓焉
此則公生平之大概也然公至老而彌健行益篤家
益豐盈桂蘭芳馥萼穎叢森此又天之所以默相之
也易曰自天佑之吉無不利又曰君子有終吉其是

之謂乎配辛濱金氏温恭端靜胡耆靡寧子三宗學
宗立宗書出嗣堂第九旭皆端方正直篤于友誼孫
七隆遇隆來隆德隆麟隆敘隆祥隆貽亦皆英奇俊
偉淳厚肫誠是皆公之流風遺教克昌厥後也敢述
其聞而綜次之

眷弟王用丙拜撰

九文莫公暨尹孺人傳

無題

公諱

公諱九文字聖彩行四生於康熙癸酉年二月初二日卒于雍正乙卯年三月十三日享年四十有三歲淑配尹氏孺人生於康熙甲戌年六月十九日卒於雍正癸丑年八月二十三日享年四十歲生子五宗鎬宗華宗茂宗翰宗建尹孺人余堂姑也當孺人與九文公相繼歿其三子宗茂歸于舅氏與合同就外傳余時幼常見宗茂誦讀之暇蹙眉含泪嗚咽不能出聲叩之則備述其先考妣事返覆諄懇予固知宗

茂爲人仁孝而公與孺人之行誼亦得畧識其梗概焉公至性天植八歲而孤雖齟齬時哀毀盡禮事太孺人崔氏孀居十有六載膝前孺慕同諸昆先意承志務必得其歡心諸昆愛季弟篤公敬諸昆罔敢或違及長慷慨任俠周貧振難惟恐不及比閭族黨中翕然誦爲長者尹孺人于歸莫門相夫子以德晨昏菽水克供婦職娣姒之間雍雍秩秩未嘗聞詬誶聲治家勤儉荆釵布裙躬親井臼或鄰里有求于公公惻然無措孺人卽脫簪珥炊助無所吝公延師訓諸

子孺人主中饋盡禮盡誠故諸子皆恂恂能有成立
嗚呼可謂賢矣惜乎天不永年夫妻俱逝此宗茂所
以感慨歎戲每一念至拊膺頓足不覺涕蘇蘇下也
乾隆丙戌歲余倖捷南宮季秋旋里宗茂來請曰寒
家纂修家乘而先府君先妣孺人謝世已三十餘年
不忍湮沒無傳請子紀其實予辭以不文恐不能闡
揚先烈宗茂復潛然出涕曰府君生于里巷又壽算
短促雖無赫赫可紀之功而孝友肫摯樂善好施此
卽所以燕貽茂等者也而茂何忍忘之且 之所以

請于吾子者非欲吾子附會失真焜煌譜牒也亦以
吾子與茂世聯婚媾知之詳信之久但卽其知而信
者爲詮次焉以垂來世以示後人而先府君與先妣
孺人固千載如一日矣予不得辭因據幼時塾中所
聞于宗茂者綜輯之如右

賜進士出身文林郎愚內姪艾溪尹壽頓首拜撰

凡屬神祇效世一命在誠習則取不覺然爲難不

創教何階寶矣哲子天不永爭公妻身遊川泉

午諱人宗中爵盡無虛始精午哲


邦彥翁小序


莫翁楚臣字邦彥元翰公次子嗣於元屏者也翁存
至性有熱腸有廉介之操有直方之德族望所由歸
也翁幼年失怙而長兄又不幸早亡一弟一姪孤苦
相依殊難自立翁竭力撫養爲之娶親完配孝友之
實見稱于人而翁不自矜也嗣母周氏孺人孀居數
十年翁事之同於生母元屏無子而有子矣邇年來
翁之年益劬而德亦益高祠內有田翁權其出入纖
毫無所染以此族人咸重之宗室子弟小忿輒爭賴

翁之排解無有涉訟公庭者惟公與正足以服人不
信然哉嗟乎俗之薄也久矣錐刀之末同室操戈雖
忠信之長慈惠之師有所不能禁者間有貌爲醇謹
無可刺訛而視宗族之人若同胡越不能爲之辨是
非正曲直亦安用此鄉原爲若翁之孝友篤于家端
方著于族宜其爲物望所歸也翁年五十有二前娶
周氏後娶陳氏生四女無子然以翁之孝友卜之知
翁之必有後也予弟庠生震初翁之表姪也常道其
爲人屬予序之予嘉其行誼爲之序以自勵亦因以

勵俗焉

賜進士第翰林院庶吉士年家眷姻姪儲秘書頓首
拜撰





Faint vertical text columns, likely bleed-through from the reverse side of the page. The characters are difficult to decipher due to fading.

莫君邦彥五十壽序

書有之惟爾合德孝恭惟孝友于兄弟古人嘉門內
之修信非誣也莫君邦彥者幼篤天倫長敦獨行分
田授宅爲兄則忍處于肥讓棗推梨食果則願分其
小敬厥所生宏葛藟本根之誼閱予同氣體鳴鳩專
一之仁鄉邦以內人倫咸奉爲楷模閩閩之間至性
尤徵其純摯偶談一二足概生平其嗣于伯父元屏
也椿庭先逝萱草長榮鮮芳饋母陸橘懷探糴毳承
親江魚手進千蟠孝筭緣簷溜以偏生百匝慈烏繞

庭柯而不去伯母太孺人周氏性多幽靜質本柔嘉
三從推尹姑之風四德兼姬姜之教恒銘秋菊鮮玩
春花鏘璜琚而應節揆藻續以披華植節三旬以後
壽登八十有奇人第知太孺人之錫福偏多而不知
邗彥君之養親有道也自後每逢家諱恒虔祀典肴
核維藟豆邊有踐老則兒啼祭焉必泣兼之一門友
愛桁無不易之衣三族雍諧室有同功之火猶子耀
坤前兄之裔賴君教養俾至成人加以居常不競衆
推涉世之含宏性本靡爭咸服秉心之平恕隣有死

喪轉之穉之族多窶乏衣之食之排患釋難里間共
藉其千楸濟困扶菑黨族夜資爲筦庫敦仁處義履
信懷貞遇人急難赴義如爭其或負君肱篋攘羸搖
首置之流觀太清余與邦彥君誼切切朱陳情叨孔李
丹崖春霽宜陳朱萼之篇綠野秋開應賦白華之句
非敢有意于表揚姑誌私心之羨慕謹陳尺素聊起
頽風

順天鄉試歲貢士候選文林郎

年家眷姻弟戴毅頓首拜撰

祖上承傳...

...

...

...


...

...

...

...

...




邦彥君序

竊觀于天而知其于人也愛之固甚至矣斲之亦甚至矣予之材以經世復予之德以克家此足以徵其愛矣而未也又使之材不及試德不足憑極之困頓阨抑顛連辛苦前則無所承後則無所冀而吾之材德卒未嘗少有所虧損以見絀于是天之斲之也正所以善用其愛也邦彥莫君蓋其鏡矣邦彥諱楚臣元翰公次子也元翰公生三子長掌衡幼邦華邦彥生十二而父亡十四而兄喪弟甫八歲姪甫一齡

斯時邦彥以童穉之年際此困頓阨抑顛連辛苦非
有大過人之才其何能以支持門戶撫一第一姪以
至成立乎以是知邦彥之材足經世德足克家固天
之愛邦彥者厚也雖然僕竊有疑焉傳曰大道無親
嘗與人善以邦彥之涉歷艱難備嘗辛苦意必祥呈
麟趾慶叶齊眉奈何合嗣早殤室人已逝今五十有
二矣而目前之森森環侍者僅三四女耳何天不靳
邦彥以材德而獨靳邦彥以此二事也豈不怪哉雖
然邦彥長兄止一子弟華邦之子三皆謹厚安詳誠

克家子也而長尤樸茂且成人邦彥曰予將卜焉爰
卜諸先人之靈竟得長姪嗣是天之靳之也殆有所
籍而然且鄧攸無兒至今嘆惜庸詎知非天靳之以
後而愛之以名耶今緝譜付梓君乞序于予予忝末
親何敢辭爰述君之生平閱歷本于天者以博君之
一笑焉耳序云乎哉

眷姻弟邑庠生馬渭拜撰



一 笑語其氣安平特

謙辭煩雜發莊保文坐學關聖本中天下以判

登而變文以谷邪令轉補於其管之理學字意

辭而然且將對城鼠至令與對御所賦非天得十

不皆其人乞靈寶林其致國最天多禱之出祭亦祝

矣宋平舉前是亦難效且如人... 曰... 小德發


經緯翁暨吳孺人五十雙壽序

忠厚之足以奠基而長世也理有固然莫氏世居清瀆重德隱行代其有人肇開世業而其載于家乘播于閭里者則又莫著于哲人公哲人公時家業搶攘事故叵測辭世之日長君經緯以妙年而肩祖父之鉅任偕弟經緒悉飭于戶庭之內捍禦于里閭之間中外讐然知所倚毗奉母氏萬孺人色笑一如事哲人公時頃刻未嘗失其歡志長養諸妹于歸各得其所伯氏長人公早世無嗣哲人公撫其螟蛉一如已

出婚娶成人經緯體二大人志視同一體析產與耕
授屋與處又哲人公不喜巫祝經緯承先人志弗令
入門至如整理住宅堂構聿新凡所以式廓丕基而
無改于父道者夫孰非經緯之善繼先志而善述先
事也哉孺人吳氏余姑母女也鷄鳴昧旦雜佩咸宜
親朋閭黨無不得其歡心事萬太孺人竭力甘旨而
自奉不厭藜藿諸姑妯娌歡踰姊妹蓋其靜懿性成
素嫻內則幼時常隨姑母來往余家余母先太孺人
往往太息稱賞謂合爲善人家婦其和緩之著于閨

閣之年者已如此夫積之厚者流之遠爵之久者舒
之長經緯先艱于子嗣今已喜誕麟兒家業亦漸豐
裕則天之大有意於哲人公而不于其身於其子孫
者斷斷如也種德不厚縱登八座非榮介福果真馴
致百年如券予故于經緯姊丈暨予表姊吳孺
揆之辰備詳其行事之本末而悉推本于哲人
欲經緯之益增修德而更恢廓乎哲人公之
無窮也是爲序

卷弟曹掌拜撰



Faint vertical text columns, likely bleed-through from the reverse side of the page. The characters are difficult to decipher due to fading and ghosting.

經緯公傳

庚申春莫氏續修家乘乾元曾受業於予又予胞弟
錦亭之佳婿也屬予爲乃祖經緯太親臺作傳予年
來習政黃久與文藝疎濶言不雅馴恐貽縉紳先生
笑而無如固辭之而固請之也憶昔延余在塾時
孝廉守謙談君祝公七十壽序有所謂女弟適

夫婦皆早世卽往挈孤歸撫養成立者公誠忠

也有所謂極誠祭祀而無假祈禳子疾雖危而不
非鬼蓋守禮不惑不尙僧巫者公誠孝武人也及暮

年居一族尊遇有事爲之排難爲之解紛昆弟子姪
輩無不帖服無不樂從無不敬之畏之則公又正
人也至于性嗜酒當歲時伏臘凡親故往還輒

淋漓甚至顛倒而不厭和光同俗更有然者公

平大畧如此惜乎一子宗堯以耆年命字卒不克

年不數旬竟與公相繼而歿賴媳錢孺人內外一人


克勤與儉歲聚租息堂構聿新并爲延師課子長乾


元已應儒童試幼坤元亦已發筆嗟乎憐一線之幾

希奚啻狂瀾既倒幸雙珠之猶是依然砥柱中流何

莫非忠義孝武正直之所致歟天之報施殆不爽夫

姻姪邑庠生吳俊謹書





莫氏宗譜
卷一
二
紹賢堂

緒翁莫年兄七十壽序

千古之稱壽者必於山不騫不崩成始成終惟山最
爲永固他物不得擬焉故詩有岡陵之咏易垂敦良
之爻是宜無所致而然歟蓋厚以植其基斯久以立
其體夫子稱仁者壽良以其德之厚有與山合也
我緒翁年長兄天性孝友方其初承家業卽絕去
浮華恂恂莊莊鄉里咸稱仁者自是產益富德益廣
迨其後子孫繼起而以身先一以愿慤爲宗崇尚儉
樸與人忠信故其家庭間祖孫父子咸有古人風猶

歟何厚之至也其翁今年已杖國而貌愈充而色愈
睟起居動靜無異壯時求之今人詎易多覲寧非仁
者壽之驗而爲厚德之效歟茲當仲冬候爲翁覽
揆之辰親友皆奉觴上壽余旣不獲載酒潔尊從諸
君子後躋堂稱慶而反承諸友問序於予予因諸
所熟道者而書其梗概以見頌岡陵而占敦良其來
有自云爾

敕授儒林郎翰林院編修年家眷弟陳濂拜撰

眷姻弟邵履忠姪婿

周斯孝
邵太占

同頓首拜

恭祝

緒翁徵侍郎七袞榮壽暨

合嗣五十初度序

聞之禮親在不稱老昔老萊子行年七十喜作嬰兒
戲以娛親何者膝下之日不敢以老自居也今緒

翁之與芳君不依然喬梓哉而吾曷爲併以壽

壽芳君乎正以壽緒翁耳夫世之以壽稱者多

矣或早歲未獲克家之子或暮年始有襁褓之兒語

云其父析薪其子弗克負荷雖年屆古稀齒方杖國

而勤劬家業誰與分勞此即揚鱣登階頌岡陵歌松

柏未必顧而樂之也緒翁爲哲仁公次子力畊節儉
有古人風德配蔣太孺人不幸中道早逝於斯時也
離該莫續琴瑟誰調苟非令嗣芳君則神傷奉倩亦
烏能忍此哉今緒翁年七十而令嗣芳君亦五十
矣雖令媳錢孺人近已去世而令孫二人早見蘭茁
其芽含飴弄孫殊足樂矣建子生魄之日爲緒翁
華誕而嗣君亦慶同生親友皆奉椒觴致祝子以爲
欲壽緒翁不可不併及其嗣君以見壽與福之俱
備也於是乎序

乾隆歲次巳酉仲冬

穀旦

特授文林郎知陝西宜川縣知縣加二級紀錄五次

年家眷侍生路學宏頓首拜撰

丁酉科舉人家年眷姪談亨首頓拜


愚孫壻周炳章首頓百拜

慶翼芳岳丈六十壽詩

至後春隨一線長者英初度此傳觴年齊羊祐當建
立人比彭商壽未央堪羨三星來會極爭誇七葉早
流芳庭幃樂願譜雲瑞共和端凝頌爾康

子婿周邦臣頓首百拜

五人此後所出...



至對森...

至對森...

至對森...

至對森...

至對森...

至對森...

至對森...

...

邦華公暨馬孺人傳

莫氏先世故多偉人居吳興後徙宜興者與今少司
農名晉者派異而源同司農卿以文章著名浙西兼
得人爵之貴其子樹琪又以蔭觀政戎部而宜興一
支絕少仕宦似難與浙西較盛衰者顧其人多隱居
樂業得天爵之尊能壽且富蕃其子孫以予所聞如
邦華公者亦庸中矯矯者也公少時家苦寒不屑寄
人籬下覓溫飽思創業以自豎立因百倍其精神以
勤以儉春課耕秋課斂蓋無逸之訓古人所以治天

下者公取之以治一家公之言曰大丈夫得志於時
則爲天下謀恒產因以保天下之恒心不得志於時
則爲子孫謀恒產因以保子孫之恒心此其道雖聖
賢不能易也故至中歲而家業漸豐乃其妻馬孺人
亦賢內助也公貧時孺人供餐織紝絕無怨言公旣
裕每遇歉歲能出所贏以濟貧苦孺人亦無吝色公
生于雍正庚子二月初七日卒於乾隆戊申八月初
九日以疾卒享壽六十有九生子四孫男十餘人

賜進士出身敕授文林郎候選知縣史紹聞撰

九程公傳


昔者孔子射於矍相之圃蓋觀者如堵墻使子路執
弓延射而去者半入者半又使公罔之裘揚觶而語
曰幼長孝弟耆耄好禮不從流俗修身以俟死者否
在此位也蓋去者又半斯非孔氏之門也合德于公
罔之裘之語者蓋稀吾茲有感於莫氏鳳梧公公諱
九程鳳梧其字也世居沽瀆滙逮事父列仁公母氏
李孺人以孝聞出齒于鄉見長者盡徐行義隱居不
慕勢利人視之若無所異者而其品特高殆後年益

尊推爲族長族長者族中齒輩最先者也故數年輒
一更或十數年一更則久矣公以德以壽爲之獨三
十年有奇初莫氏宗祠祭田絕少自公長族後歲輒
增總紀凡得數十畝享祀遂豐祠屋不整者翼之葺
之又聖塗之族譜散佚者另纂輯之信矣非耆耄好
禮者耶或曰公惇宗睦族諸誼旣得聞命矣聞公好
佛事曾捐資重修福善菴然與否與不從流俗者固
若是與予曰不然三教之弊皆足害人非獨佛也人
不能不私其室而佛之菴可以公世或行者思憇或

旅者思宿非菴莫賴也公之修菴何異于修道路而
造津梁乎非其他佞佛求福者比吁今之人者若公
者其亦可觀射于孔氏矣公妻許氏生三子宗德宗
銘宗璉孫八

道光歲次丁亥清和月

賜進士出身勅授文林郎候選知縣史紹聞撰



... 志士... 志士... 志士...

... 志士... 志士... 志士...

... 志士... 志士... 志士...

... 志士... 志士... 志士...

... 志士... 志士... 志士...

... 志士... 志士... 志士...

莫翁方儒古稀大壽序

天之生斯人也非不欲盡壽之而不能盡壽之要必
其人之自壽之自壽之者綱常倫紀無愆無愧不賊
其生理然執此以求之或百不得一焉或千不得一
焉於是乎人不盡壽而非天之不欲壽斯人也以予
所聞莫翁方儒殆所稱不賊其生而自壽者乎予之
得聞翁壽也始於邑兩黃樂莘先生先生者方儒翁
內弟也與予爲同門契姪曰應麒又與予爲同社契
社會之日先生偶造其所執牛耳爲祭酒興至揮毫

搦管倏就然困厄童試者屢矣庚辰秋予幸雋公車
一往見先生無喜容亦無愠色癸未夏予又嘗造謁
自午抵西談心竟夕明晨先生遂言莫翁年居古稀
當介觴囑余序余不獲辭因詢知莫翁耶居邑東濱
湖爲震澤西一巨族翁先世余不悉詳太翁鳴臯翁
爲冢嗣自太翁之亡與蔣太孺人俱厝于某所土薄
水弱不堪深瘞翁惻然心慘延堪輿卜吉久之乃得
改兆於銅峯下山所購也金與遷貲並未旁及弟昆
嗚呼此其爲仁孝之心乎殆古所稱孝友其人乎翁

內君黃孺人樂莘先生姊也其年已故先生謂余曰
姊以性鳩摯其言訥然其容樸然不克與世俗智慧
婦比吾母常恐不足于婿君而方儒翁竟不以世俗
智慧婦責之卒偕老無嫌生三子盡岐嶷云嗚呼是
又古所稱如賓如友能敬而和者歟其他交遊晉接
及與族相周旋初未有背紀乖倫以貽訾議余不暇
殫述第迹其父母昆弟夫婦間大綱如此其年屆古
稀有以自壽而克爲天之所壽有以夫先生名冕字
服周樂莘其別號也時爲余樂道之予爲翁樂誌之

漢正統... 卷一... 二... 新賢堂

于是乎序

乾隆歲次癸未

年家眷教弟管秉塞頓首拜撰



Faint bleed-through text from the reverse side of the page, including characters like '年家眷教弟管秉塞頓首拜撰' and '乾隆歲次癸未'.

潘太孺人八十暨家嗣君渭熊雙壽序


沾瀆名區富安勝壤翠巒疊疊陽羨之峯萬重碧水
涓涓罨畫之波千色好景門前頻獻瑞綵衣堂上舞
春風恭惟 渭翁禮樂家聲鉅鹿世裔荀季和之至
行惟孝友于裴叔則之清言率真少許蓋大德必得
壽母子遐齡爲善則必昌祖孫繼世鶯花萬井孝子
之愛日方長樓闕雙開老人之慶星再見既執經而
教子復含飴而弄孫千古嘉祥一堂駢集爰遇南山
介眉之祝固快生平尤在北堂繞膝之歡能空今古

過耳順之年不敢稱老兼舞綵之喜猶學兒啼雲裡
蓬萊雨鼓風鈴屢奏長生之響天邊日月旭光水影
並垂不息之輝母子共慶華堂人生之樂信乎至斯
極矣孫子同歌眉壽家庭之瑞抑亦何以加哉律也
鶴齡有祝未能奏曲南飛而瑤圃馳神未遂插花起
舞復願東風着力併箕疇五福吹送君家南極呈祥
俾君子萬年輝映寰宇

婺明如畫麗中天嵩嶽同春祝萬年青鳥傳來金
母信萱花添上北堂妍冰心一片懸霜月彤管千

秋光簡編玉樹文孫娛蔗境何妨長作地行仙
年過耳順體逾強太乙星垂獻壽觴祖父克繩塏
載福兒孫濟美自呈祥巳周甲子燃藜火史學班
爛舞錦堂笑指南山深愛日矜看天保壽無疆

春晚徐律頓首拜撰



Faint vertical text columns, likely bleed-through from the reverse side of the page. The characters are difficult to decipher but appear to be arranged in several columns.

莫君明玉六十壽序

蓋聞修德爲集福之基豐亨乃作善之報孝悌忠信
吾人有一焉亦可以風於世矣莫君明玉者九采公
之冢子也采公配趙瀆宋氏生二子兩女未及五旬
而逝世時君甫弱冠其弟爾玉尙未成童二妹猶在
襁褓上奉祖母蔣孺人年近七旬家業頽落而君日
夜勤苦竭力耕桑克振其業晨昏定省菽水承歡孝
養祖母蔣孺人及母宋孺人以盡天年喪葬未嘗踰
禮撫養弟妹一於友愛爲二妹各擇佳婿爲弟娶橫

塘蔣善述之女為媳生三子長隆仁次隆義季隆信

各延師教誨雖尙未及成名然俱已嶄然見頭角君

為人淡靜絕去紛華寡言笑志尙獨行終身不娶爾

玉以長子隆仁承嗣奉之若嚴君焉外內鉅細莫不

諮稟諸子亦彬彬儒雅一遵君之訓導丙戌歲君庚

週甲余忝屬知己不揣固陋謹以序云

晉人亦一書亦可以西郊王用丙源澤氏拜撰

蓋開卷為樂臨文甚豐

莫深即王六十壽序


若愚公傳

易有之直其正也方其義也君子敬以直內義以方外子曰人之生也直是直之于人誠重矣哉而世不察乃以妄作挾私發微攻隱亦目爲直焉猶葉公之證羊於父國子之盡言于齊也亦何裨於直哉若愚公諱宗夔秉性樸質不尙浮華明於義利苟非吾之所有雖一毫而莫取爲人謹慎正直匪僻邪佞之人絕不與之友敬賢如大賓疾惡如蛇蝎而又能忍小忿人有非禮之言犯之者絕不與之校家素豐厚貸

貲不盡責其償徵租恒弗滿其數蓋其物來順應無
忿戾之心無逆億之想其得古之愚也直乎可謂名
肖其行矣若愚原配洋滙瀆張氏生一子隆昌卽逝
繼娶南王瀆周天章女天章宜邑之富者也而無子
嫁女資值千金若愚見而艷然不悅周君問其故若
愚曰吾娶婦耳非取利也借使因婦財以致富安知
異日不貧賤乎周君不聽若愚決意不受周君謀之
女女曰莫郎君子也彼旣爲鮑宣兒亦願効桓氏終
不受而歸時人異而笑之名之曰若愚直其然乎夫

財利人情之所同欲也世固有利欲當前則鬻凌競
起廉恥頓忘者以視若愚其何如耶然天不授命纔
五旬而棄世周氏生三子長隆昌次隆德幼隆順隆
昌溫良俊偉行肖迺父甫及成童借父相繼而沒豈
天終不欲以直道容于世也耶丁亥春莫氏刻輯家
乘余往來于沽瀆滙者十有餘載信之深知之悉故
樂爲述焉

王用丙謹識



樂然無礙

乘舟分來平野前... 卷十... 舟... 舟... 舟...

天跡不... 舟... 舟... 舟...

昌... 舟... 舟... 舟...

宜... 舟... 舟... 舟...

歐... 舟... 舟... 舟...

相... 舟... 舟... 舟...

宗尙公傳

宗尙公者宜興治東沽瀆滙人也姓莫氏字淇熊孺

人氏徐中年生一子即余族叔華國之外舅 惟茂

翁翁今年七十有六矣子三孫已八 宗尙公謝世

時未獲館弄人咸羨 惟茂翁暮年之樂而嘆 宗

尙公暮年之不樂也昔漢張蒼官至宰輔壽百歲時

看子孫形相歎曰我爲顯宦兒孫輩佔盡世間便宜


今雖目擊五代形貌一代鄙猥一代恐後不熾夫以

蒼之暮年猶然不樂況于 公乎余謂不然 公本

寒素以勤儉成家非顯宦佔世便宜者比且甚正直
正直者天地之生理有生理故生生不已又擅排解
才人因嫌成隙隙深致忿忿甚涉訟廢業次耗資財
結世仇舉家震懼得公周旋其間而冰渙雪消仇以
解訟以免兩造得以安居樂業者不可勝計此皆公
之大德足以熾昌其後之理也昔歐陽崇公識其子
修必貴於懷抱中者以已行誼與子之形貌必之也
若 公者宜不如崇公之撫已之心審子之貌而願
爲是戚戚哉或曰身後之昌熾不若日擊之爲樂也

余又謂不然古人有言曰有子孫受教謂之福設後
之人有曰某某若而人某之後也是亦足矣生前身
後有何異乎故人謂公暮年不樂余謂 公暮年之
樂似乎崇公勝乎張蒼者也今年夏莫氏續纂家乘
余族叔屬余爲其太岳作傳予素識 惟茂翁面而
又知其爲人實足以樂 宗尙公之暮年也因傳云
道光歲次丁亥清和月

姻再姪庠生潘汝明撰



遊武關穴江... 宗尚公... 暮年... 四...
 又... 其餘人... 宗尚公... 暮年... 四...
 余... 風... 念... 其... 本... 朝... 中... 年... 後... 歸... 耕... 牧... 餘... 而...
 樂... 於... 年... 崇... 公... 德... 乎... 毀... 葬... 昔... 出... 今... 年... 夏... 莫... 因... 醉... 其... 家... 樂...
 慈... 許... 許... 異... 乎... 效... 人... 階... 公... 暮... 年... 小... 樂... 余... 斯... 一... 公... 暮... 年... 之...
 之... 人... 亦... 曰... 其... 某... 昔... 前... 人... 某... 太... 翁... 思... 最... 亦... 且... 矣... 出... 前... 且...
 余... 更... 晴... 不... 無... 亦... 人... 亦... 曾... 曰... 且... 得... 將... 矣... 得... 階... 之... 亦... 始... 始...

澤文公傳

公莫氏諱澤文世居宜興之東北二十里曰沽瀆漚
自其先祖父皆農隱不仕公生而慷慨見非禮者雖
強必面斥之鄉人服其直遇不平事輒請剖斷焉惜
乎公亦老於農隱而未由筮仕以升朝也假焉使公
得爲一邑令則鋤莠安良其剛果之氣洵足以辦此
也又假焉而使公得爲諫議長則忠言儻論其剴切
之風洵足以稱職也公之正直豈特見重於一鄉哉
公性尤惜福謂人處天地間旣不能乘時濟衆無益

于世豈可妄自侈費虛糜物力故嘗惡衣菲食勉強
夏后氏克儉之風又謂古人云食焉而怠其事必有
天殃故家務纖悉必謹雖老勤苦自刻有過於少壯
者娶妻潘氏相敬如賓入門即棄其飾蓋不啻孟光
之椎髻布裳也生三子恪守庭訓惻惻無華恂恂如
也孫四皆淳樸務本曾孫二尙幼

道光歲次丁亥清和月

賜進士出身敕授林郎候選知縣史紹聞撰

紹文公傳

古有不富貴而馨香不功名而赫奕者其立身制行
大都不局于尋常紹文莫公是已公諱宗瑞字紹文
邦華公三子性秉剛直才饒幹濟遇鄉里不平之事
挺身獨出奮志居前斷不肯稍即依回雖傾囊相助
弗辭焉而居家務儉約課農桑節飲食慎言語構屋
增數楹擴田數十畝族衆咸許爲端人公幼而聰穎
長而創垂迨晚而志益誠慤克勤克儉其教家也無
黨無偏其處事也不茹不吐其與人也却紛華喜恬

靜其持身也古所云不富貴而馨香不功名而赫奕者不其然歟德配蔣孺人和妯娌睦鄉鄰親操井臼事勤紡績善相夫子以終其身子三長春隆次丕成幼鳳岐務本業懷永圖亦善體公志予憶昔時公俾幼子鳳岐執經受業於席側夜則話桑麻敘農圃恂恂自得今已邈然謝世不勝悽愴鳳岐因族中續修家譜囑予爲傳悉公生平畧陳梗概云爾至生卒嗣葬具于表不贅

苻洲眷弟邑庠生儲應麟拜撰

龍文六十壽序

世之享遐福者人每疑天之私有所厚天豈私有所厚耶松栢之茂也其質堅岡陵之崇也其積厚則人之克享遐福亦惟增修其德而已龍文四兄大人門弟莫俊才父也俊才從予遊因悉兄之爲人而知其克修厥德必享遐福也茲於兄六十初度特比事屬辭以申祝焉兄世居沽瀆滙祖大綸公父邦華公嗣父邦彥公俱寬慈惠和里黨稱長者兄恪承先志敦睦宗族釐正譜牒事父母以孝待兄弟以和飭紀明


倫其美一也兄天資明粹幼時就塾目下數十行因
舉業不利遂去讀就耕其所播種滿篝滿車用是家
計日殷實然性好詩書暇時卽披吟不輟延名師課
子姪極其誠敬遇文人學士莫不敬而禮之崇儒好
賢其美二也兄才識超卓鄉里有爭競涉訟不息必
力爲解釋使咸歸于好社瀆橋傾圯往來阻梗兄倡
議捐修叩縣主給示不允復叩府憲橋賴以成萬衆
稱便排難解紛其美三也具此三美雖使前人復生
兄亦未肯多讓是以身體康強兒孫繞膝長子榮俊

次子榮道俱樸誠忠厚家室溱溱幼子俊才孫肇勲
讀書尤聰穎前程未可限量信乎作善降祥天有顯
道也兄之克享遐福豈不宜哉

告

道光六年歲次丙戌蓉月下浣

廩膳生世愚弟蔣夔殿拜稿



莫氏先言

莫氏先言

莫氏先言

莫氏先言

莫氏先言

莫氏先言

天赦莫君序

呂麓東南有沽瀆里其地土厚水深其俗貴德尙齒
耕者耕讀者讀聚族而居各勤厥職渾渾噩噩素樸
是崇倘所謂仁里非耶莫君天赦莫氏之族尊也其
胞姪景賢從予治進士業爲予述其生平性嗜酒期
在必醉閑靜少言不慕榮利忠厚篤誠質直好義爲
時輩所推許余曰沽瀆固多君子若乃伯者其猶行
古之道歟往歲冬予造其季弟天源翁家與之促膝
談心接其言貌恂恂如也益嘆其有古君子風矣故


宗璉先生暨德配蔣孺人六十雙壽序

五星燦似聯珠二耀明如合璧此千年之嘉會爲百代之元辰况復天榆環拱月桂齊芳雲錦交輝霓裳同詠慶奇逢於天上尤罕見于人間維我宗璉先生暨德配蔣孺人者洵有合焉先生鉅庶右族陽羨名門代演簪纓世傳閨閱髫齡敏妙綺歲英明以孝稱鄉是因悌著克勤克儉業日大而德日新宜雅宜風田可耕而書可讀高人深致俗態全銷爲閭井所交推實宗盟所瞻仰非公不至武城共說澹臺有得必

精文學人云子夏以故所爲可採青史當傳吾道堪
編黃堂合誌矧孺人中饋修嚴坤儀敦厚紹家風於
三徑著闡範於九臯南畝隨耘無慚賓敬東門漚紵
不數姬賢所以閔閑大興田連阡陌閨門肅靜家富
蓋藏是因內助之有爲益見好修之無缺也邇者社
以德增壽緣心得椿萱並美鳳凰皆鳴同登花甲之
年共衍林壬之慶佳兒佳婦繞膝承歡賢子賢孫趨
庭受教乘龍快婿餽餅東床扶杖彌甥含飴北陸斯
眞脩箕疇之五福集華祝之三多矣茲當懸弧吉日

設幌良辰值陽月之方中正小春之佳節風和日暖
橘綠橙黃白社名賢爭濯葡萄之錦青雲貴客同緇
芍藥之箋欣看幼子童孫舞綵奉觴而列行見木公
金母駢鸞控鶴而來

荔門萬貢珍披



Faint vertical text columns, likely bleed-through from the reverse side of the page. The characters are mostly illegible due to fading and ghosting.

天源莫君序


自古有才難有德難有才而兼有德則尤難吾觀天
源莫君有才而兼有德者也君自幼失所恃聰聽父
兄之訓束髮讀書通經籍習文藝頗有名譽及冠擇
配蔣孺人助理家政克儉克勤君用是無內顧憂後
奉父命與兄析居獨能辭多受少獲薄田僅十餘畝
而胸中毫無芥蒂蓋孝友出於天性然也君乃輟讀
就耕晦休明動又復通商惠工雖甚寒暑不敢暇逸
由是家勢蒸蒸日上屋舍充拓田園肥美不數年而


較祖業已十倍過之矣君爲人設心醅謹接物利寬
涉歷多艱苦洞見事機有卓識故鄉閭有紛爭君諷
停而排解之時人咸折服焉一切公事挺身而出亦
未嘗懷私以誤公他如葺祠宇脩橋梁築道路周圉
乏完婚娶恤孤寡種種仁慈有足風世之慳吝者今
年六十有四精神矍鑠步履如常子孫繩繩福澤正
未艾也茲當莫氏續修家乘其幼子景賢從予肄業
有年來請序於予予夙慕君品誼而服其才識過人
與孝友之足法也故不慚謏陋特援筆書之以爲贈

昔

道光歲次戊申孟夏月

姻姪梧岡方均拜撰





Faint vertical text columns, likely bleed-through from the reverse side of the page. The characters are mostly illegible due to fading and ghosting.

維良翁七十壽序

宜邑素多山水之勝秀挺於南者銅峯環抱於東者
震澤山高水清其磅礴鬱積之象宜有碩德高人享
遐齡登上壽篤生於其間者吾茲有羨于維良莫
翁焉 翁世居沽瀆里生而敏慧孝友性成奉兩尊
人竭誠敬先意徯志終身弗稍懈至殯葬事尤能不
儉其親其天性過人鄉里間聲稱嘖嘖矣 翁兄維
德先君子子昌公所養育者 翁視之如手足至老
無間言 翁承先世遺業雖不至屢空亦非素封者

比又遭祝融厄思欲由困而亨轉否爲泰因百倍其精神於課農力作外歷險阻艱辛往來江浙間易暑寒而不變其經紀之誠有不豐腴不已者乃不數年間而果能肯構肯堂增其式廓此可見能自振拔者困無不可亨否無不可泰也翁天性樸誠律世好以正直課子教以義方古今成敗事多援引爲諄諄誨如翁者蓋善操作而兼明理者歟淑配蔣孺人勤紡績崇節儉酌盈虛以助理家計無弗當意里黨多羨豔之翁年五十時因壯年勤勞太過患跛疾舉趾


艱難卽將家政授令嗣令嗣寅初庭受訓輟讀就耕
仔肩家事於世故亦無不練達 翁以康熙己亥生
今當古稀或逍遙於山之麓或垂釣於溪之濱或飲
醕而陶然一醉或遇客而敲棋一枰或撫弄文孫而
嬉戲或寄情技藝而工精極天然之樂而無不合乎
人事而一一得其歡心少壯雖極勞苦而耄期之樂
至公備矣余表姪陳子爲 翁孫傳識之甚詳述於
余因不揣弁陋而爲之序

原任廣西南寧府隆安縣右堂兼理歸果漢堂年家

眷弟儲塏頓首拜撰

乾隆歲次戊申仲秋

眷姻姪王錫疇頓首拜



Faded vertical text columns, likely bleed-through from the reverse side of the page.

惟良公述畧

蔣生其康余門下士也嘗爲余言其太岳莫惟
良公之生平余已心許爲古君子矣然以未嘗識
公爲怏怏乾隆癸丑冬蔣生因便導余過公沽
瀆之居舟抵門公扶杖揖予入日旣夕挽爲信
宿歡張燈命酌備極欸洽公時年七十有五然
猶漏下對客清言不休予意公年雖高精力未
憊也嗟乎孰知一仰蒼顏道山長赴別未幾公
染微疴逝公德配蔣孺人年亦七十餘先公

五日逝訃聞爲之驚惋者累日今

上巳未冬莫氏族人鳳梧君等謬以宗乘商定而公

哲嗣寅初君乃爲予言曰昔先君曾邀先生一

日之知丐一言以爲傳可乎予承命唯唯曰君尊

人予父也烏敢以不文辭然自癸丑冬一接見

卽未獲從公杖履遊凡公之美言懿行有未得其

詳者而猶憶蔣生向爲予言曰公至性孝友事父

母能得其歡心父宗繁公有乞養他姓子者公視

之如胞析產以裕而素復剛正族黨間有忿爭相

質者公不少模稜一言剖決靡不帖服又曰公屏

當家事尤極嚴明兒孫閒督耕課讀日無虛刻其

最所屏斥者僧巫祈禳事遇歲禊公率先倡捐

煮糜粥以活餓者無算非俗子之求福田吝金帛

者比也迨晚年公一以家事委君雖足病蹇好策

杖為汗漫遊遇知己即共飲或手談竟日不倦凡

此皆所聞於蔣生者生坦腹於君之東牀知之果

深而言之果悉乎寅初君泫然涕下曰是誠然

彼皆所得於見聞者無一言虛飾也余曰然則公

之可傳者在此而余之所以傳公者亦即在此
 也君其以此所述附於譜末後之覽者可以得其
 梗概而予之識公于當年述公于今日庶幾有始
 終於公者亦為誌私感於不盡也公譜諱隆行
 生卒葬配及所出子女俱詳世表中茲不贅叙
 嘉慶己未嘉平之吉

景風氣淑清節巫術宜庠任豫東僑氏謹述

當寒事秋融惠風與泉蒸開膏腴野野賦靈醴其

從春公不也對陳

坤元兄序畧

莫兄隆仁字坤元爾玉公之冢子也嗣于伯父鳴玉
公與余有姻親因深悉其家世先時爾玉公伯仲友
愛以世人分析爲恥沒齒同居兄德配陳孺人能敬
且和以執婦道生三子不幸而逝世斯時幼子伯賢
生僅壹歲餘耳長伯興次伯華雖有長幼之分要未
離乎提攜之事欲以父而兼慈母其煩勞可勝言哉
因有以繼室言者兄曰予聞先賢曾子云高宗娶後
妻棄孝已吉甫娶後妻逐伯竒竊有感于斯言以此

爲戒而決志不娶矣平居事伯父語言色笑和婉性
成朝夕就養甘旨盡備伯父每曰吾嘗以鄧伯無後
爲慮矣今有猶子如是吾快足于心又何求焉惜乎
姪兒誓不再娶終身乏唱隨之誼也予雖不能文樂
道人善於是爲序

眷姻弟蔣璫拜述

永元公傳

余因莫氏續修宗譜受業鳳岐囑予爲家君傳不辭
固陋曷敢繆爲素未謀面者而妄爲著述也更深有
字季貞者托鳳岐來請亦欲爲先君立傳再三懇切
余詢其世系彼泫然流涕曰先父諱隆信字永元號
榮光德配宋孺人不幸早謝世繼配呂孺人子四呂
出先父幼業詩書訓子姪攻舉業數十年久困童子
試未遂所懷繼改業課桑麻篤耕種遂絕意於功名
然猶暇則手執一編高吟朗誦且謂開卷有益不有

賢於博奕者乎語及此余已肅然起敬知公志矣晚
又設帳於閭里間時與諸名宿往來恂恂自樂有長
者風并述其訓子律一首曰教兒處世則立行必方
端待人毋太促責已不容寬橫逆雖時有謙和究莫
干弟兄能友愛白髮乃心安味其意幾似宋儒格言
語及此余尤肅然起敬愈欽公之行也至若老成典
型無煩余贅矣據季貞所言因直陳公梗概云
道光歲次丁亥清和月

荇洲眷弟邑庠牛儲應麟拜撰

敘生公傳


敘生莫君父名希榮母氏瞿其父生三子君其幼年
十五六卽肩隨兩兄力田辛勤無所避年二十二母
患疾而劇君日夜事之醫藥罔效君私問醫吾母疾
當愈否醫曰不可爲也君憂絕私自念曰吾仲兄曾
割股療父疾吾何不效之乃夜對天而禱剗左臂肉
私和藥進母母三咽之病果痊而終秘其事欲往九
華山酬香願而苦無其資後數年年已二十八娶妻
旣合卺坐燭下假寐至夜中妻問之君曰往歲母疾

時吾發願欲往九華山今汝能以奩中物給吾香資
吾自九華反乃成昏耳妻從之遂茹素十餘日登途
進香又十餘日而歸始行夫婦禮其誠篤如此君家
業不豐與兩兄析產田纔三畝餘勤儉力耕稍稍拓
田宇教子成昏事漸就序晚歲業田數十畝較前殆
十倍餘生平誠信而謹忠厚爲本遇橫逆能忍自納
稅外足跡未嘗履公庭嘗戒其子曰海曹俱少年不
患不能勤患不能忍耳人怒而詈我我與之相詈必
至相毆禍端從此起矣能不與相詈彼亦當自止古

人唾面自乾吾願汝曹終身法之君平居族黨無怨
尤卽其所以戒子者可知其所自處里人築室侵君
基君與理其人不肯讓乃曰俟吾築室成當償君地
租耳君遂任其成室其人竟不償君租君亦竟不之
索也君年六十五而終妻沈氏謹順有內助功年五
十三而沒子男五人君沒時已有孫二人今孫男共
五人

道光歲次丁亥清和月

拔貢生陳賦撰



Faint vertical columns of text, likely bleed-through from the reverse side of the page. The text is mostly illegible due to fading and ghosting.

龍文公傳

公諱宗明字龍文邦華公幼子邦彥公嗣子也公幼子景宣從予遊時向予道公爲人公年六旬予曾壽序贈之迄今閱二十寒暑公辭世已九載矣當公未葬時余嘗點主哭以祭文一道今歲戊申莫氏續修宗譜景宣從長兄榮俊持公行狀請予曰我夫子爲先父傳之余曾記公六旬壽序中序公具三美顧三美亦第畧以序之未能詳以傳之也是則壽序所已及今復傳則贅壽序所未及今不傳則隱隱與贅均

譏也予因按狀述公爲人公兄弟四人長效連早天
次澤文三紹文公居其幼父母捐館後家資豐裕兄
弟合爲一家雖未若張氏之和風遠播而永念雙親
同居十八載閩內閩外無交謫語事事必稟命次兄
而後行詩曰伯氏吹壘仲氏吹簾公其有焉嘉慶初
公次兄因食指浩繁合兩弟各肩其任公乃輕家資
重文學生子三長榮俊次繼宣幼景宣咸爲擇師習
舉子業各十餘年而幼子景宣獨有文聲一時俊彥
士鮮不與之遊有古賢士門前長者車轍風焉傳曰

訓子以義方弗納於邪公真戒與公年居七旬蒙
恩例授微仕郎合族推爲祭主宗祠敝壞協分長天
赦等共出心裁照分捐資擴寢室爲五間同邑進士
任跋園題贈宗祏重新額書曰厥父肯堂厥子肯構
公無憾矣公一身之爲人余不能以悉傳兄友弟恭
如公輕財重士如公尊祖敬宗如公而公爲人亦大
可風矣故前序所已及欲贅不贅也前序所未及欲
隱難隱也因復傳令公子孫世世勿忘云

廩貢生世愚弟蔣壬文撰

...

...

...

...


...

...

...

...

...



隆權君傳

孝子隆權者宜興沾瀆滙人也姓莫氏名惟行自其
先世良超公由湖州徙居宜興傳至蘭若及希榮俱
隱于耕敦孝友樂施予潛德弗耀希榮生隆權隆權
幼時卽循循然有規矩長而至行醕篤由于性成君
父嘗抱沉疴醫藥罔效君默禱于天誓以身代遂剗
股肉作羹跪進于父曰今別有名醫製方飲此或冀
稍減父頷而飲之乃日漸痊可而剗痕固無恙旣而
其母又病君又默禱曰生我鞠我其恩一也父之疾

既蒙明神鑒微忱而陰相之已今神詎忍漠視我母乎遂又割股和羹以進而母亦就瘞然此猶曰父母也固孝子之心所宜盡也乃君之叔父曰曾榮者又有疾弗瘳君惻然曰兄弟之子猶子也則叔父猶父也今吾弟尙幼我豈可以忽視乎因又割股以進叔父亦勿藥有喜而君之兩股間癩痕乃纍纍矣今夫輓近之世人心不古風俗澆漓于其所私者有事則護持之惟恐後而至天性至親反若越人視秦人之肥瘠忽焉不加喜感於其心者比比然也隆權之孝

雖近于愚而其愚不可及正聖人所樂許者人聞隆
權之風孝弟之心亦可以油然而生矣君所居之近
有水壩所以蓄水以溉田者然當盛漲時則壩沒于
水人多病涉君家非素封而好善不倦顧獨力構一
小石梁人之往來不絕者咸思君之德盛稱爲長者
云於戲用舍殊途出處一致古云求忠臣必于孝子
之門又云卽小可以見大推君之行事使鄉舉里選
之法行出而見用於世則移孝作忠未必無蹇蹇匪
躬之節而問民疾苦思所以安全而保利之者又不

待言也此孝第力田之科漢文
也歟

昔

道光歲次丁亥清和月

誥封奉直大夫前江蘇海州學正安徽徽州府休寧
縣訓導乾隆癸卯科舉人萬望頓首拜撰



